

Ժողովուրդ

75
(2741)

27 մայիսի շաբաթ 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՄԵՂԱԳՐՈՒՄ Է ՊԱՏԵՐԱԶՄ ՄԿՍԵԼՈՒ ԶԱՄԱՐ



Առանձնապես որեւէ կարեւոր գործով չզբաղված, 33 տարեկանի պաշտոնը զբաղեցնող Վահագն Խաչատրյանը, որի ղեկավարած կառույցի վրա տարեկան 2-3 մլրդ գումար է ծախսվում (աշխատավարձ, վարորդ, աշխատակիցներ, ճամփորդություններ), հիմա էլ որոշել է Հայաստանին ագրեսոր դարձնել: Մասնավորապես, Վահագն Խաչատրյանը հանդիպել է Կատարի հայ համայնքի հետ եւ բավականին տարօրինակ հայտարարությամբ հանդես եկել: «Այն, ինչ տեղի ունեցավ 2020 թվականի 44-օրյա պատերազմի ժամանակ..., հենց այդ պատերազմը, որը կանխատեսելի էր դեռեւս 1990-91 թվականներին, երբ մենք սկսեցինք մեր խնդիրներն Ադրբեյջանի հետ լուծել պատերազմի միջոցով, տեսանելի էր, որ այդպիսի մի իրավիճակ լինելու էր, բայց մենք չէինք ցանկանում առերեսվել այդ խնդրի հետ: Ավելի հեշտ էր հանրությանը ներկայացնել, որ մենք հաղթել ենք 1994 թվականի պատերազմի ժամանակ, մայիսին կնքել էինք (չասեմ խաղաղության, քանի որ դա խաղաղության չէր) պատերազմը դադարեցնելու մասին համաձայնագիր»: Ինչպես ֆիքսեցինք, Վահագն Խաչատրյանը ներկայանում է այնպես, կարծես Հայաստանին պատերազմն է ձեռնառու, այլ ոչ թե խաղաղությունը: Եվ սա նաեւ այսօրվա իշխանությունների վարած քաղաքականությանն ու հայտարարություններին հակադրվող են, քանի որ հենց Նիկոլ Փաշինյանն է խոսել խաղաղության դադարեցման բացելու, Ադրբեյջանի եւ Թուրքիայի հետ հարաբերությունները լավացնելու մասին: Ստացվում է՝ ըստ Խաչատրյանի՝ Հայաստանն է պատերազմ սկսողը եղել եւ ձգտել է այդպես կարգավորել հարցերը, այլ ոչ թե բանակցությունների միջոցով: Իրականում Ադրբեյջանը սկսեց ագրեսիան, եւ դա վաղուց հաստատված իրողություն է:

Մայիսի 29-ին խորհրդարանում բավականին թեժ է լինելու: Այդ օրը վարչապետ Նիկոլ Փաշինյանը եւ կառավարության անդամները խորհրդարանում կլինեն: Ազգային ժողովի համատեղ նիստերում կքննարկվի 33 2022 թվականի պետությունների կատարողականը: Այսպիսով, երկուշաբթի օրը խորհրդարան են գալու վարչապետ Նիկոլ Փաշինյանը, ԱԾ տնօրեն Արմեն Աբաջյանը, ՊՆ նախարար Սուրեն Պապիկյանը, Ներքին գործերի նախարար Վահե Ղազարյանը, ֆինանսների նախարար Վահե Դավթյանը, ԿԲ նախագահ Մարտին Գալստյանը, Հաշվեքննիչ պալատի նախագահ Արմեն Զանգուղազյանը, աշխատանքի եւ սոցիալական հարցերի նախարար Նարեկ Սևրոջյանը, 33 վիճակագրական կոմիտեի նախագահ Ստեփան Մնացականյանը, ԱԻ նախարար Արմեն Փամբուխչյանը, ԲՏԱ նախարար Ռոբերտ Խաչատրյանը: Բնականաբար, անդրադարձ է կատարվելու նաեւ պետական պարտքին: Ըստ այդմ, 33 պետական պարտքում 2,536.7 մլրդ դրամը (6,445.4 մլն ԱՄՆ դոլարը) կազմել է արտաքին պարտքը, 1,650.0 մլրդ դրամը (4,192.3 մլն ԱՄՆ դոլարը)՝ ներքին պարտքը: 2022 թվականի դեկտեմբերի 31-ի դրությամբ 33 պետական պարտքը կազմել է ՀՆԱ-ի 49.3%-ը, ընդ որում՝ կառավարության պարտքը կազմել է ՀՆԱ-ի 46.7%-ը: Իսկ, ահա, 2022 թվականի դեկտեմբերի 31-ի դրությամբ 33 ներքին պետական պարտքը, նախորդ տարեվերջի համեմատ, աճել է 412.5 մլրդ դրամով (33.3%-ով), եւ դրա տեսակարար կշիռը 33 պետական պարտքի կառուցվածքում աճել է 27.9%-ից հասնելով 39.4%-ի:

Քրոնիկայի պատգամավոր Արսեն Թորոսյանը կրկին հայտնվել է սեփական թիմակիցների քննարկման թիրախում: Թորոսյանը որքան էլ փորձում է ցույց տալ, որ թիմակիցների հետ լավ հարաբերությունների մեջ է, բայց նա թիմում փորձում է դիրքավորվել որպես ընդդիմադիր: Բանն այն է, որ Թորոսյանը ԱԾ-ում երբեմն ընդդիմադիրների նման թունդ էլույթներ է ունենում, սուր քննադատում սեփական թիմակիցներին: Օրինակ՝ չորեքշաբթի օրը, երբ ԱԾ-ում քննարկվում էր Վճռաբեկ դատարանի դատավորների ընտրության հարցը, հիմնական զեկուցողը պետք է լիներ ԲԴԻ նախագահ Կարեն Անդրեասյանը, սակայն նա չէր եկել ԱԾ, քանի որ գործուղման էր, ուստի հարցը զեկուցեց ԲԴԻ նախագահի պարտականությունները ժամանակավոր կատարող Վիգեն Քոչարյանը: Արսեն Թորոսյանը բավականին սուր արձագանքեց սրան՝ կոչ անելով Կարեն Անդրեասյանին գործուղումներն այնպես կազմակերպել, որ չհամընկնեն ԱԾ գալու հետ: Քրոնիկայից տեսական ժամանակ է քննարկում են՝ ինչու է Թորոսյանին իրեն ագրեսիվ պահում, ինչու է իրեն թիմում ընդդիմադիր նման դրսևորում, հաճախ առանձին գրույցների ժամանակ էլ է թիմակիցներին հակադարձում, փորձում քննադատել նրանց: Մի մասը Նշում է, որ դա պայմանավորված է Նիկոլ Փաշինյանի հետ լարված հարաբերություններով, մի մասն էլ կարծում է, որ Թորոսյանը չի մարտում իր պաշտոնավարման օրոք կորուսված ղեկավարի դերը պայքարի շրջանակներում տեղի ունեցած վերջին բացահայտումները: Ամեն դեպքում, մեր տեղեկություններով՝ այս դեպքում գործընթացին դեռ stop է տրված, բայց չի բացառվում, որ առաջիկայում կրկին օրակարգ գա Թորոսյանին կալանավորելու հարցը:

«Ժողովուրդ» օրաթերթի տեղեկությունների համաձայն՝ Հակակոռուպցիոն կոմիտեն հարցաքննության է հրավիրել Զինված ուժերի գլխավոր շտաբի պետի տեղակալ, գեներալ-լեյտենանտ Արշալույս Փայտյանին: Իսկ ինչն էլ պատճառը: Դատախազությունը օրերս գրել էր, որ 33 պաշտպանության նախարարությունը 2011 թվականի հուլիսի 22-ին կնքված անշարժ գույքի առավանձառքի պայմանագրով, խախտելով մի շարք օրենսդրական պահանջներ ու կարգավորումներ, ուղղակի վաճառքի եղանակով Դավիթ Բեկ փողոցի 155/3 հասցեում գտնվող, պետական սեփականություն հանդիսացող 12.500 քմ հողամասը 87 մլն դրամով վաճառել է ԶՈՒ գլխավոր շտաբի պետի տեղակալ գեներալ-մայոր Ա.Փ-ին: Պարզվել է, որ Ա.Փ-ն 2012 թվականի փետրվարի 3-ին վերոնշյալ հողամասը գրավադրել է 300 հազար ԱՄՆ դոլարով՝ ձեռք բերման գնից շուրջ 40 մլն դրամով թանկ (կողմերի համաձայնությամբ՝ հողամասը գնահատվել է 166 մլն 100 հազար դրամ): Այնուհետև՝ 2012 թվականի դեկտեմբերի 26-ին, Դավիթ Բեկ փողոցի 155/3 հասցեում գտնվող 12.500 քմ հողամասը գրավադրվել է 270 հազար ԱՄՆ դոլարով (հողամասը գնահատվել է 227 մլն 500 հազար դրամ լիկվիդացիոն գնով կամ ձեռք բերման գնից 140 մլն 500 հազար դրամ ավելի) եւ 824 հազար 498 ԱՄՆ դոլար պարտքի դիմաց (համարժեք է 342 մլն 373 հազար 143 դրամին) հանձնվել է բանկին՝ որպես սեփականություն: Արդյունքում պետությանը պատճառվել է շուրջ 255 մլն 373 հազար 143 դրամի վնաս: Նկատի ունենալով, որ ուսումնասիրությամբ պարզված հանգամանքներն առերեսությամբ պարունակում են Քրեական օրենսգրքով նախատեսված արարքի հատկանիշներ՝ դատախազությունը 2023 թվականի մայիսի 5-ին ուսումնասիրության արդյունքներն ուղարկել է Հակակոռուպցիոն կոմիտե՝ քրեական վարույթ նախաձեռնելու հարցը լուծելու համար. հարուցվել է քրեական վարույթ: Եվ, ահա, Ա.Փ-ն, ոչ ավել, ոչ պակաս, 2012 թվականին բանակին գումեջի միս մատակարարելու եւ մեծ վնաս հասցնելու համար պաշտոնից ազատված, ՊՆ ԳՇ պետի նախկին տեղակալ Արշալույս Փայտյանն է, որին հիմա կրկին հիշել են իրավապահները:



ՔԱՂԱՔԱԿԱՆ

Ի ՊԱՏԱՍԽԱՆ ՐԱՅՏԱՐԱՐՈՒԹՅԱՆ

ԻՆՉՊԵՍ ՆՐԱ ԼԵԶՈՒՆ Է ԱՆՈՐՈՇ, ԱՅՆՊԵՍ Է՛Ն ՄԻՏՔԸ

Վարչապետ Նիկոլ Փաշինյանը վերջերս ԱԺ անբիռնից հերթական անհասկանալի հայտարարությունն արեց՝ ասելով, թե մենք 30 տարի ապրում ենք մի երկրում, որը «կադաստրի վկայական» չունի...



մար մեկնաբանությամբ երեւոյթները ներկայացնելն է: Այս ամենը խոսում է այն մասին, որ ինչպես նրա լեզուն է անորոշ եւ խճճված, այնպես էլ՝ միտքը, մտածողությունը: Երբեմն նա այնպիսի քայլեր է դիմում, ինչպես, օրինակ, «Երկրի կադաստրի վկայական» արտահայտությունը, որը հիմա փորձում են ներկայացնել, թե փոխաբերական իմաստով է ասել: Երբեմն մտածում ես, թե գործ ունես մտածողության բացակայության հետ:

-Թուքական աշխարհում կա հոսանք, որը կասկածի տակ է դնում հայկական պետության գոյությունը, ադրբեջանցիները՝ ավելի շատ: Նրանք ասում են՝ ձեր հայրենիքը Հայկական բարձրավանդակում է, դուք հիմա եկել եք մեր հողերը: Նրանք մեզ այնտեղից քշեցին, բերեցին մեր տարածքների հյուսիսային այս փոքր կտորի վրա, ադրբեջանցիներն էլ մեզ դեռեւս վերբալ քշում են դեպի հարավ: Այլ կերպ ասած, քոչվորի ճակատագիր են թուրքական եկվորները մեզ համար նախատեսել, ու հանկարծ ՀՀ-ն հայտնվում է մի մարդու գերիշխանության ներքո, որը ներսից հաստատում է թուրքական ազդեցիկ մեր նկատմամբ. աշխարհում սա անկրկնելի բան է:

Ջրուցեց ԶՐԻՍՏԻՆԵ ՄՈՒՇԵՂՅԱՆԸ

ArmLur.am-ը այս առիթով գրուցել է ՀՀ Գերագույն խորհրդի նախագահի առաջին փոխնախագահ, ՀՀ արտակարգ եւ լիազոր դեսպան Արա Սահակյանի հետ: Պարոն Սահակյան, ինչպե՛ս կմեկնաբանեք Փաշինյանի այս հայտարարությունը, ի՞նչ ասել է երկրի «կադաստրի վկայական», այսքան տարի ռ՝մ տարածքում ենք ապրել: Անհաջող արտահայտություն է, խոտան: 5 տարի շարունակ նա վարժեցնում է մեր ժողովրդին իր արտառոց մտածողությամբ եւ դրան համապատասխան խոսույթով: Սկզբում դա միայն ՀԺ-ն առաջնորդողների լեզուն էր, հիմա իշխող խմբակի լեզուն է, շուտով կդառնա Հայաստանի՝ արտաքին աշխարհի հետ հաղորդակցության լեզուն: Դա պարագրքների լեզու է՝ հակասական եւ չճշգրտված հասկացություններով, որի նպատակը ցանկացած ժամանակ հար-

-Պարոն Սահակյան, արդյոք այս հայտարարությամբ Փաշինյանը կասկածի տակ չի՞ դնում Հայաստանի գոյությունը՝ որպես իրավական պետության, եւ հիմք չի՞ տալիս, որ Ադրբեջանը նոր տարածքային պահանջներ ներկայացնի:

ՀԱՆԴԻՊՈՒՄ

ԹՈՎՄԱՍՅԱՆԸ ԸՆԴՈՒՆԵԼ Է ՉԻՆԱՍՏԱՆԻ ԴԵՄՊԱՆԻՆ

«Խորհրդարանում հյուրընկալեցի Հայաստանում Չինաստանի Ժողովրդական Հանրապետության արտակարգ եւ լիազոր դեսպան Ն.Գ. Որն Յուն Ֆանցին», - հայցնել է ԱԺ մարդու իրավունքների դաշտայնության եւ հանրային հարցերի մեծական հանձնաժողովի նախագահ, անկուսակցական Թագուհի Թովմասյանը:



«Խոստեցի Հայաստանի եւ Արցախի անվտանգային խնդիրների մասին: Ականատեսի աչքերով ներկայացրի Սոթքում շարունակ լարվածությունը, կրակոցները, որոնց հետեւանքով հայկական կողմն ունի զոհեր, երկու անգամ թիրախավորվեցին շտապօգնության ավտոմեքենաները, իսկ Սոթքի ոսկու հանքավայրի 800 աշխատակիցներ մինչ օրս պարապուրդի են մատնված: Պարոն դեսպանի հետ զրույցում հիշատակեցի Բրյուսելում տեղի ունեցած Միշել-Փաշինյան-Ալիեւ եռակողմ հանդիպման արդյունքների մասին՝ նշելով, որ Փաշինյանը (նաեւ երեւանյան ասուլիսի ժամանակ) ճանաչել է խորհրդային Ադրբեջանի տարածքը՝ Արցախով, այնինչ այդպիսի պետություն այժմ գոյություն չունի, քանի որ ժամանակակից Ադրբեջանը սովետական Ադրբեջանի իրավահաջորդը չի հանդիսանում:

Ընդգծեցի, որ ՀՀ գերագույն խորհրդի՝ 1992թ. հուլիսի 8-ի որոշման մեջ գրված է. «Հայաստանի Հանրապետության համար անընդունելի համարել միջազգային կամ ներպետական ցանկացած փաստաթուղթ, որտեղ Լեռնային Ղարաբաղի Հանրապետությունը նշված կլինի Ադրբեջանի կազմում»: Հետեւաբար ցանկացած նմանատիպ փաստաթուղթ եթե ստորագրվի, կունենա լեգիտիմության լրջագույն խնդիր: Պատմեցի իմ նախաձեռնությամբ իրականացվող «Ռջ Արցախի էթնիկ գտմանը» ստորագրահավաքի ընթացքի եւ արդյունքների մասին: Նշեցի, որ արդեն հավաքվել է 300 հազարից ավելի ստորագրություն, որով փաստվում է՝ հայ ժողովրդի

համար անընդունելի է Նիկոլ Փաշինյանի կողմից Արցախն Ադրբեջանի տարածք ճանաչելու ցավալի իրողությունը: Պարոն Ֆանցին ներկայացրի Հայաստանում ժողովրդավարության լրջագույն խնդիրները՝ հիշատակելով իշխանության ներկայացուցիչների կողմից իմ եւ մյուս պատգամավորների նկատմամբ կիրառված ոչ իրավաչափ գործողությունների մասին: Երկուստեք պատրաստակամություն հայտնեցինք խորացնելու համագործակցության շրջանակները, եւ այս համատեքստում ընդգծեցի, որ մեզ համար կարեւոր է զարգացող տնտեսություն ունեցող Չինաստանի փորձն ուսանելը»:

ՆԵՐԿԱՅԱՅՐԵԼ Է ԿԱՐԳԱՎՈՐՄԱՆ ԳՈՐԾԸՆԹԱՅԸ

Սայիսի 26-ին ՀՀ արտաքին գործերի նախարար Արարատ Միրզոյանը հանդիպել է ԱՄՆ Կովկասյան բանակցությունների հարցերով ավագ խորհրդական, ԵԱՀԿ Մինսկի խմբի համանախագահ Լուիս Բոնոյին:



Այս մասին տեղեկացնում է ԱԳՆ-ն: Զրուցակիցները քննարկել են Հայաստանի եւ Ադրբեջանի միջեւ հարաբերությունների կարգավորման գործընթացը, անդրադարձել են այդ ուղղությամբ վերջին շրջանում անցկացված բանակցություններում քննարկված եւ դեռ փոխհամաձայնեցման ենթակա հարցերին: Արարատ Միրզոյանը վերահաստատել է հայկական կողմի՝ տարածաշրջանում համապարփակ ու երկարատեւ խաղաղության հաստատման հանձնառությունը: Նախարարն ընդգծել է, որ այդ ուղղությամբ, ի թիվս այլ հարցերի, առանցքային է ուժի կամ ուժի սպառնալիքի կիրառումից հրաժարումը, հստակ սահմանների ամրագրումն ու սահմանային անվտանգության ապահովումը, միջազգայնորեն երաշխավորված երկխոսության մեխանիզմի ներքո Լեռնային Ղարաբաղի ժողովրդի իրավունքների եւ անվտանգության խնդիրների հասցեագրումը:

ՀԱՅԿԱԿԱՆ ԿՈՂՄԻ ՄՈՏԵՑՈՒՄՆԵՐԸ

Վարչապետ Նիկոլ Փաշինյանն ընդունել է ԱՄՆ Կովկասյան բանակցությունների հարցերով ավագ խորհրդական, ԵԱՀԿ Մինսկի խմբի համանախագահ Լուիս Բոնոյին: Զրուցակիցները քննարկել են Հայաստանի եւ Ադրբեջանի միջեւ հարաբերությունների կարգավորման գործընթացին, Ադրբեջանի կողմից Լաչինի միջանցքի ապօրինի շրջափակման հետեւանքով Լեռնային Ղարաբաղում ստեղծված հումանիտար ճգնաժամին, միջազգայնորեն երաշխավորված երկխոսության մեխանիզմի ներքո Լեռնային Ղարաբաղի ժողովրդի իրավունքների եւ անվտանգության խնդիրների հասցեագրմանը վերաբերող հարցեր: Վարչապետը ներկայացրել է առկա առանցքային խնդիրների կարգավորման հարցում հայկական կողմի մոտեցումները:

ԻՐԱՎԻՃԱԿ

ՔՆՆԱՐԿՈՒՄ

ԽՏՂԱՂՈՒԹՅԱՆ ՊԱՅՄԱՆԱԳԻՐ ԿԱՐՈՂ Է ՍՏՈՐԱԳԻՎԵԼ

ՉՃԱՆԱԶԵԼԸ

ԱՆՔԵՈՒՍԵՍՈՒԹՅՈՒՆ Է

Վարչապետ Նիկոլ Փաշինյանը չորեքշաբթի օրը ԱԺ ամբիոնից հերթական անհասկանալի հայտարարություններ արեց՝ ասելով, թե մենք 30 տարի ապրում ենք մի երկրում, որը «կադաստրի վկայական» չունի:

«Ժողովուրդ» օրաթերթի հետ զրույցում ՔՊ խմբակցության պատգամավոր Նարեկ Բաբայանը նշում է՝ վարչապետի ասածը վերացական էր. պետք է դա դարձնել ռեալիստական:

«Խոսքը նրա մասին է, որ եթե մենք չենք ճանաչում Ադրբեջանի տարածքային ամբողջականությունը, ապա իրենք էլ մեր սահմանները չեն ճանաչելու. այ սրա մասին է խոսքը: Եթե մենք այնքան խելամտություն չունենանք, որ ճանաչենք Ադրբեջանի տարածքային ամբողջականությունը և կոնկրետ սահմանները, ապա սա արձակում է նրանց ձեռքերը՝ անելու այն, ինչը որ կուզեն անել, և էսքանը չհասկանալը, շատ մեղմ ասած, անհեռատեսություն է», - ասաց Բաբայանը:

ՆՈՐ ՏՎՅԱԼՆԵՐ

ՀՀ վիճակագրության կոմիտեի տվյալներով՝ այս տարվա հունվար-ապրիլին տնտեսական ակտիվության ցուցանիշը կազմել է 12,2 տոկոս: Նույն տվյալների համաձայն՝ արդյունաբերությունն աճել է 2.4 տոկոսով, շինարարությունը՝ 16,8 տոկոսով, առևտուրը՝ 23,2 տոկոսով, իսկ ծառայությունների ոլորտը՝ 22,2 տոկոսով:

Տեղեկացանք, որ արտաքին առևտրաշրջանառությունը առաջին 4 ամիսներին աճել է գրեթե կրկնակի՝ 99,4 տոկոսով: Արտահանումն աճել է ավելի քան կրկնակի՝ 109,4 տոկոսով, իսկ ներմուծումը՝ 93,9 տոկոսով:

Սպառողական գների ինդեքսը (գնաճը) կազմել է 6,2 տոկոս:

ԵՐԿՈՒՇԱԲԹԻ ԹԵԺ Է ԼԻՆԵԼՈՒ

Թեև երեկ ԱԺ նիստերն ավարտվեցին, օրակարգը սպառվեց, բայց երկուշաբթի օրը խորհրդարանում բավականին թեժ է լինելու: Այդ օրը վարչապետ Նիկոլ Փաշինյանը և կառավարության անդամները կգան խորհրդարան:

Ազգային ժողովի համատեղ նիստերում կքննարկվի ՀՀ 2022 թվականի պետբյուջեի կատարողականը:

Այսպիսով, երկուշաբթի օրը խորհրդարան կգան վարչապետ Նիկոլ Փաշինյանը, ԱԾ տնօրեն Արմեն Աբաջյանը, ՊՆ նախարար Սուրեն Պապիկյանը, Ներքին գործերի նախարար Վահե Ղազարյանը, ֆինանսների նախարար Վահե Հովհաննիսյանը, ԿԲ նախագահ Մարտին Գալստյանը, Հաշվեքննիչ պալատի նախագահ Անուշ Զանջուրազյանը, աշխատանքի և սոցիալական հարցերի նախարար Նարեկ Մկրտչյանը, ՀՀ վիճակագրական կոմիտեի նախագահ Ստեփան Մնացականյանը, ԱԻ նախարար Արմեն Փամբուխչյանը, ԲՏԱ նախարար Ռոբերտ Խաչատրյանը:

Ներկայացնում ենք մանրամասներ ՀՀ վարչապետ Նիկոլ Փաշինյանի և Ռուսաստանի Գաերության նախագահ Վլադիմիր Պուտինի հանդիպմանը: Պուտինն իր խոսքում ընդգծել է կարևորությունը, որ Եվրասիական սննեսական բարձրագույն խորհրդի նիստին նաև Ադրբեջանի նախագահ Իլհամ Ալիևն է եղել: «Կարծում եմ, որ, ամեն դեպքում, սարածաբանային սննեսական կաղերի զարգացման շեղանկյունից դա օգտակար է, դա լրացուցիչ հարթակ է երկխոսության հնարավորություն է ստեղծում այն ոլորտներում, որոնք ոչ մի կասկածի տեղի չեն սպիս», - նշել է նա:

Խոսելով Ղարաբաղի շուրջ կարգավորման գործընթացից՝ ՌԴ նախագահը նշել է, որ հարցերը շատ կարեւոր են և զգայուն: «Համոզված եմ, որ եթե, ի վերջո, ի հեճուկս բոլոր դժվարությունների՝ հասնենք այդ հարցերի լուծմանը, ապա դա անկասկած օգուտ կբերի եւ Հայաստանին, եւ Ադրբեջանին, և ոչ միայն երկու երկրներին, այլև ողջ տարածաշրջանին, քանի որ շատ պետություններ շահագրգռված են դրանում, և դա կնպաստի հարաբերությունների կարգավորմանը բոլոր ուղղություններով, այդ թվում՝ քաղաքական՝ այդ տարածքում բնակվող մարդկանց անվտանգության ապահովման առումով», - հավելել է նա:

Իր հերթին վարչապետ Փաշինյանը նշել է. «Շատ շնորհակալ եմ Վլադիմիր Վլադիմիրի: Եվս մեկ անգամ շնորհակալություն ջերմ ընդունելության համար: Իսկապես, Եվրասիական տնտեսական բարձրագույն խորհրդի նիստն անցավ բարձր մակարդակով: Մենք քննարկել ենք հարցերի լայն շրջանակ: Տարածաշրջանային իմաստով, իհարկե, մենք բավական լարված իրավիճակ ունենք Լեռնային Ղարաբաղում՝ Լաչինի միջանցքում. այդ մասին մենք այսօր բազմիցս խոսել ենք: Ցավոք, ի հեճուկս 2020 թ-ի նոյեմբերի 9-ի եռակողմ հայտարարության՝ Ադրբեջանն ապօրինի արգելափակել է Լաչինի միջանցքը, ինչի պատճառով Լեռնային Ղարաբաղը հայտնվել է հումանիտար ճգնաժամի մեջ: Դուք գիտեք, որ դադարեցվել է նաև բնական գազի և էլեկտրաէներգիայի մատակարարումը Լեռնային Ղարաբաղ, արգելափակվել է Ադրբեջանի կողմից, ինչը սրում է հումանիտար իրավիճակը Լեռնային Ղարաբաղում: Լեռնային Ղա-



րաբաղ սննդամթերքի և ապրանքների մատակարարումները բարդացել են: Իհարկե, ռուս խաղաղապահներն աջակցում են այս հարցում, բայց, ցավոք, ինչպես ասացի, Լաչինի միջանցքի արգելափակումը տեղի ունեցավ ռուս խաղաղապահների ներկայությամբ», - նշել է նա:

Միևնույն ժամանակ, նշվում է, թե Հայաստանն ու Ադրբեջանը կարող են խաղաղության պայմանագիրը ստորագրել հաջորդ շաբաթ, երբ առաջնորդները հանդիպեն Եվրոպական գագաթնաժողովի շրջանակներում. «Ռոյթերզ»-ին է փոխանցել Ֆրանսիայում Ադրբեջանի դեսպանը:

«Հույս ունենք, որ հունիսի 1-ին Քիշնևում վերջապես կստորագրվի խաղաղության պայմանագիրը: Սա պատմական պահ է, որը չի կարելի բաց թողնել», - ասել է Լեյլա Աբդուլաեան:

Պաշտոնական Երևանը դեռ չի արձագանքում:

Հավելենք, որ Եվրոպական քաղաքական համայնքի քիշնևյան գագաթնաժողովին կմասնակցեն ավելի քան մի քանի տասնյակ պետությունների ղեկավարներ և եվրոպական կառույցների բարձրաստիճան պաշտոնյաներ, այդ թվում՝ Եվրամիության և եվրոպական 17 այլ երկրներից:

Գագաթնաժողովի շրջանակներում սպասվում է հնգակողմ հանդիպում Հայաստանի վարչապետ Նիկոլ Փաշինյանի, Ադրբեջանի նախագահ Իլհամ Ալիևի, Եվրոպական խորհրդի նախագահ Շառլ Միշելի և Ֆրանսիայի նախագահ Էմանյուել Մակրոնի ու Գերմանիայի կանցլեր Օլաֆ Շոլցի մասնակցությամբ:

ՆԱԽՐԱ ՀՈԿՅԱՆՆԻՍՅԱՆ

ԼՈՒՐԵՐ

ՎԵՐՋՆԱԿԱՆ ՀԱՄԱՁԱՅՆՈՒԹՅՈՒՆԸ ՄՈՏ Է

ԱՄՆ Պետքարտուղարության խոսնակ Մեթյու Միլլերն անդրադարձել է ՀՀ վարչապետ Նիկոլ Փաշինյանի հայտարարությանը՝ Ադրբեջանի տարածքային ամբողջականության ճանաչման վերաբերյալ՝ ողջունելով այն:

«Գնահատում ենք Հայաստանի վարչապետ Նիկոլ Փաշինյանի վերջին մեկնաբանությունը Հայաստան-Ադրբեջան տարածքային ամբողջականության փոխադարձ ճանաչման ու խաղաղությանը շարունակական հավատարմության վերաբերյալ: Վերջնական համաձայնությունը մոտ է, և մենք վճռական ենք մեր ընկերներին օգնելու հասնել դրան», - գրել է

Պետքարտուղարության խոսնակը թվիթերյան իր էջում:

Հիշեցնենք՝ ՀՀ վարչապետը մայիսի 24-ին՝ ԱԺ-ում հարցուպատասխանի ժամանակ, հայտարարել էր. «Ես, այո, հիմա այս ամբիոնից հայտարարում եմ, որ Հայաստանը վերահաստատում է Բրյուսելում արձանագրված պայմանավորվածությունը, որ ՀՀ-ն ճանաչում է Ադրբեջանի տարածքային ամբողջականությունն ու անկալում, որ Ադրբեջանն էլ կվերահաստատի, որ ճանաչում է ՀՀ տարածքային ամբողջականությունը»:

Արձագանքելով քննադատություններին՝ Նիկոլ Փաշինյանը պարզաբանել էր, թե Հայաստանն ինչու է Ադրբեջանի տարածքային ամբողջականությունը ճանաչում 86.600 ք/կմ տարածքով. «Առաջինը՝ ճանաչել ենք 1991 թվականի Ալմա-Աթայի հռչակագիրը, երկրորդը՝ վերահաստատում է Պրահայում Ալմա-Աթայի հռչակագրի, երրորդը՝ քայլը տարածքների կոնկ-

րետ նշագրմամբ փոխադարձ ճանաչումն է Բրյուսելում»:

ԿԱՐԵՎՈՐ ՀԱՆԳԻՊՈՒՄ

«Մեկ շաբաթից Հայաստանի և Ադրբեջանի փոխվարչապետների հետ կքննարկենք տեխնիկական մանրամասները, բայց դրանք շատ կարեւոր մանրամասներ են», - հայտարարել է Ռուսաստանի փոխվարչապետ Ալեքսեյ Օվերչուկը:

Նրա խոսքով՝ խոսքն Ադրբեջանի և Հայաստանի միջև սահմանը հատելու ընթացակարգի մասին է:

Հիշեցնենք, որ Պուտինը երեկ ասել էր, որ մեկ շաբաթից Ռուսաստանի, Ադրբեջանի և Հայաստանի կառավարությունների փոխվարչապետները կհանդիպեն և կհանեն «չմաքրված հարցերը»:

ԻՐԱՎԱԿԱՆ

ԱՊՐԻՆԻ ԳՈՐԾ

ԴԱՏԱՎՃԻՌԸ ՄԱՍՆԱԿԻ ԲԵԿԱՆՎԵԼ Է

Աղյուսակի կերպով զենք, ռազմամթերք, դայթուցիկ նյութեր կամ դայթուցիկ սարքեր ձեռք բերելու, իրացնելու, դառնալու, փոխադրելու կամ կրելու հասկանալի- ներով հարուցված ֆեական գործով դա- սախազի բողոքը Վերաբերյալ ֆեական դասարանը մասնակի բավարարել է, իսկ Առաջին ասյանի ընդհանուր իրա- վասության դասարանի դասավճիորը մասնակի բեկանել: Փոխվել են գործով որդես մեղադրյալներ ներգրավված Ա.Բ.-ի, Ս.Գ.-ի, Ս.Բ.-ի, Կ.Ե.-ի նկատմամբ նեանակված դաշիժները. սեղեկացնում են ՀՀ գլխավոր դասախազությունից:



գործելու հետեանքով մարտական գործ- ութությունների ընթացքում եւ դրանից հետո շուրջ չորս տասնյակից ավելի զինժառա- յող զրկվել է իրենց ամրակցված իրազեն- ները եւ ռազմամթերքը կիրառելու միջոցով մարտական խնդիրներ լուծելու հնարավո- րությունից: Ա.Բ.-ին մեղադրանք է առա- ջադրվել 18.04.2003 թվականին ընդուն- ված Քրեական օրենսգրքի (այսուհետ՝ Քրե- ական օրենսգրք) 235-րդ հոդվածի 2-րդ մասով (նախնական համաձայնությամբ ապօրինի կերպով զենք, ռազմամթերք, պայթուցիկ նյութեր կամ պայթուցիկ սար- քեր ձեռք բերելը, իրացնելը, պահելը, փո- խադրելը, կրելը) եւ 308-րդ հոդվածի 2-րդ մասով (պաշտոնեական լիազորություննե- րը չարաշահելը, որն անզգուշությամբ առաջացրել է ծանր հետեանքներ), Ս.Բ.- ին՝ 235-րդ հոդվածի 1-ին մասով (ապօրինի կերպով զենք, ռազմամթերք, պայթուցիկ նյութեր կամ պայթուցիկ սարքեր ձեռք բե- րելը, իրացնելը, պահելը, փոխադրելը, կրե- րը) եւ 235-րդ հոդվածի 2-րդ մասով, Ս.Գ.-ին՝ 235-րդ հոդվածի 2-րդ մասով, Կ.Ե.-ին՝ 34- 235-րդ հոդվածի 1-ին մասով (ապօրինի կերպով զենք, ռազմամթերք, պայթուցիկ նյութեր կամ պայթուցիկ սարքեր ձեռք բե- րելու, իրացնելու, պահելու, փոխադրելու, կրելու փորձ): 2021 թվականի հոկտեմբերի 15-ին դատախազը քրեական գործը՝ մե- ղադրական եզրակացությամբ, ուղարկել է Առաջին ասյանի ընդհանուր իրավասու- թյան դատարան:

Ս.Բ.-ն մեղավոր է ճանաչվել՝ Քրեական օրենսգրքի 235-րդ հոդվածի 1-ին մասով (նշանակվել է պատիժ՝ ազատազրկում 6 ամիս ժամկետով) եւ 235-րդ հոդվածի 2-րդ մասով (նշանակվել է պատիժ՝ ազատազր- կում 2 տարի ժամկետով): Դատարանը Կ.Ե.-ին արդարացրել է Քրեական օրենսգրքի 34-235-րդ հոդվածի 1-ին մա- սով առաջադրված մեղադրանքում: Դա- տախազի բողոքի հիման վրա՝ Վերաքննիչ քրեական դատարանը 2023 թվականի մարտի 6-ին որոշում է կայացրել ներկա- յացված բողոքը մասնակի բավարարելու եւ Առաջին ասյանի ընդհանուր իրավասու- թյան դատարանի դատավճիորը մասնակի բեկանելու մասին:

Ազգային անվտանգության ծառայու- թյան քննչական գլխավոր վարչությունում քննված քրեական գործով (վարույթով) հիմնավորվել է, որ 2020 թվականի սեպ- տեմբերի 27-ին՝ Աղբյուրի կողմից սան- ծազերծված պատերազմի ժամանակ, մարտական տարբեր խնդիրներ լուծելու համար Արցախի Հանրապետության ոստի- կանության աշխատակից, բաժնի պետի տեղակալ Ա.Բ.-ն մեկնել է իրեն հանձնա- րարված տարածք, Ջրականի տարածքից ապօրինի ձեռք է բերել գործարանային արտադրության «ԱԿ» եւ «ԱԿԱ» տեսակի 45 ինքնաձիգ, տարբեր տրամաչափի զի- նատեսակներից կրակելու համար նախա- տեսված 2000-ից ավելի փամփուշտ եւ այլ ռազմամթերք:

ԽՆՋՈՒՅՔՆԵՐ

ԲԱՆԱՎԵՃԻ ԹԵՄԱՆ ԹՄԻԱՆՅՈՒԹՆ Է

Մայիսի 3-ին Ազգային ժողովում Աժ «Քաղաքացիական դայմանագիր» խմբակցության դասախազ Էդու- արդ Աղաջանյանը հայտարարել էր, որ որեւէ միջին վիճակագրական խնդույք առանց քննարկումների չի անցնում, եւ հարց էր ուղղել ՆԳ նախարար Վահե Ղազարյանին, թե ինչով է դայմանա- վորված այն հանգամանքը, որ ոստիկա- նական ձեյրներն անցկացվում են որո- սակի ենթամշակույթային առանձնա- հատկություն ունեցող ժամանցի վայ- րերում:

Ի պատասխան՝ Վահե Ղազարյանը նշել էր, որ իրենք օպերատիվ ստացված տվյալ- ների հիման վրա են ռեյդեր իրականաց- նում եւ ուղղակի պարտավոր են արձա- գանքել այդ օպերատիվ տեղեկություննե- րին. «Դրանով մենք մեծ խոչընդոտ չենք հանդիսացել տվյալ տնտեսվարողին: Ինձ թվում է՝ մենք կատարել ենք մեր գործառնյթները, կարեւորը մենք ունենք արդյունք. այ եթե չունենային արդյունք, դա հարցի մյուս կողմն է»,- ասել էր նա՝ ընդգ- ծելով, որ ոստիկանության գործողություն- ների իրավաչափության հարցով գործըն- թաց կա:

Ավելին՝ ԱՍԾ-ն 1 տոննա Հերոին Հայաս- տան ներմուծելու մասին հայտնեց: ՀՀ վարչապետի աներորդի, Աժ ԶՊ խմ- բակցության պատգամավոր Հրաչյա Հա- կոբյանից «Ժողովուրդ» օրաթերթը հե- տաքրքրվեց, թե վերջին անգամ երբ է ին- ջույքի մասնակցել եւ ինչ թմրանյութ է օգ- տագործել: «Վերջին անգամ ինջույքի մասնակցել եմ երեկ ընկերներիցս մեկի ծննդյան արա- րողությանը մոտ մեկ ամիս առաջ: Խնջույ- քի ժամանակ թմրանյութ չկար ու չեմ օգ- տագործում»:

ԼՈՒՐԵՐ

ՀԵՏԱԽՈՒԶՎՈՂԸ ՀԱՅՏՆԱԲԵՐՎԵԼ Է

Ոստիկանության Մաշտոցի բաժնի քրեական հետախույզերը ստացած տեղեկությունն իրացրին Երեւան քա- ղաքի վարչության գործընկերների հետ: Մայիսի 24-ին՝ ժամը 18-ին, մայ- րաքաղաքի Բագրատունյաց փողո- ցում նրանք ձերբակալեցին եւ բաժնի տեղափոխեցին անցած տարվա նոյեմ- բերից ոստիկանության Ապարանի բաժնի կողմից սպանության մեղադ- րանքով հետախույզվող 33-ամյա մի տղամարդու: Դեպքը տեղի էր ունեցել 2022 թվա- կանի հունիսի 19-ին: Արագածոտնի մարզի Նիգավան գյուղ տանող ճանա- պարհի դաշտամիջյան տարածքում ծագած վիճաբանության ժամանակ 33-ամյա տղամարդն ու ընկերը, եր- կուն են է՝ զինված որսորդական ողոր- կափող հրացաններով, կյանքից զրկե- լու դիտավորությամբ բազմաթիվ կրա- կոցներ էին արձակել մի խումբ ան- ձանց ուղղությամբ: Միջադեպին զոհ էր գնացել երեք անձ, եւս չորս հոգի հրազենային վնասվածքներով տեղա- փոխվել էին հիվանդանոց: Նախաձեռնված քրեական վարույթի շրջանակներում իրականացված տա- րաբնույթ միջոցառումների արդյուն- քում առանձնապես ծանր հանցագոր- ծությունը բացահայտվել էր, ճշտվել էին վիճաբանության դրդապատճառ- ներն ու մասնակիցների ինքնությունը, յուրաքանչյուրի մասնակցության չա- փը: Կրակողներից մեկը հայտնաբեր- վել էր, իսկ Երեւանում հաշվառված 33-ամյա տղամարդը խուսափել էր քն- նությունից: Լրացվեց եւ այդ բացը: Նախաքննությունը շարունակվում է:

ՊԱՐԵԿՆԵՐԸ՝ ՆՈՐ ՏԵԽՆԻԿԱՅՈՎ

Էլեկտրական ինքնահավասարակշռվող սեգվեյներ, մոտոցիկլետ- ներ եւ էլեկտրամոբիլներ. պարեկներն արդեն շուրջօրյա ծառայություն իրա- կանացնում են նաեւ տեխնիկական Նոր միջոցներով: Ինչպես հայտնում է ՀՀ ոստիկանու- թյունը, ինքնահավասարակշռվող սեգվեյների կիրառումը հետիոտն կարգախմբին հնարավորություն է տալիս առավել արդյունավետ կազմա- կերպել ծառայությունը, ուշադրության կենտրոնում պահել եւ օպերատիվորեն արձագանքել ցանկացած իրավի- ճակի: Սեգվեյներով ծառայությունը հատկապես մարդաշատ վայրերում նպաստում է հասարակական կարգի պահպանության եւ հասարակական անվտանգության ապահովման խն- դիրների պատշաճ իրականացմանը: Դրան զուգահեռ՝ պարեկները ճա- նապարհային երթեւեկության անվ- տանգությունն ապահովում են նաեւ մոտոցիկլետներով եւ էլեկտրամոբիլ- ներով: Հատկապես երթեւեկության ծանրաբեռնվածության պայմաննե- րում մոտոցիկլետների կիրառումը, շնորհիվ փոքր չափերի եւ հարմարա- վետության, լուծում է իրավիճակային խնդիրներ:

● Ըստ ոստիկանության տվյալների՝ մայիսի 25-ից 26-ը Հայաստանի Հանրապետությունում բացա- հայտվել է հանցագործության 42 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

Ո՞՞՞ ԷՐ ԿԱՆՎԱԾ ԱՂՋԻԿԸ

Մայիսի 25-ին՝ ժամը 02:25-ի սահմաններում, ոստիկանության Իջեանի բաժին ահազանգ է ստացվել, որ Իջեան խոշորացված համայնքի սահմանամերձ Սեւքար գյուղի եկեղեցուն հարակից «Եղեմիներ» վայրում ծառից կախված դի կա: Ոստիկաններն ու քննիչները ծառից կախված հայտնաբերել են 17-ամյա Սյուզաննա Տ-ի դին: արջկա մոտ հայտնաբերվել է նամակ՝ ուղղված մորը: Սեւքար գյուղից տեղեկացա, որ ծառից կախված արջիկը ընտանիքի 7 զավակներից մեկն էր, ընտանիքի հայրը ազգությամբ վրացի է, մայրը՝ հայ, ընտանիքի երեխաները կրում են վրացական ազգանուն: Ընտանիքը Սեւքար գյուղում վերաբնակվել է Իջեան համայնքի սահմանամերձ Կիրանց գյուղից, բարեգործները բազմազավակ այդ ընտանիքի համար Սեւքարում առանձնատուն եւ տան գույք են գնել: Ընտանիքի 7 երեխաներից ավագը արջիկ է, որն ամուսնացել է Իջեան համայնքի գյուղերից մեկում: Սյուզաննան եղել է ամուսնացած քրոջից տարիքով փոքր, ընտանիքի մյուս երեխաներից՝ տարիքով մեծ: Սյուզաննան օգնել է բազմազավակ, կարիքավոր ընտանիքի հոգսերը լուծելուն, մանավանդ որ ընտանիքի 7 երեխաներից մեկը եղել է մանկահասակ: Ընտանիքի վրացի հայրը բավկորական աշխատանքներ է կատարել Ռուսաստանում, հետո վերադարձել է Սեւքար: Ընտանիքի մայրն էլ տարբեր աշխատանքներ է կատարել, որոշ տեղեկություններով՝ սննդի օբյեկտներում մատուցող է աշխատել: Սյուզաննան դպրոցում միջին առաջադիմություն է ունեցել, նա 2021 թվականին թողել է ուսումը Սեւքարի դպրոցում: Աղջկա ինքնասպանության պատճառը պարզ կդառնա քննության ավարտից հետո:

ԳԱՏԱՐԱՆԸ ՄԵՐԺԵԼ Է

2023թ. մարտի 9-ին ՀՀ տարածքային կառավարման եւ ենթակառուցվածքների նախարարության պետական գույքի կառավարման կոմիտեի նախագահ Առնակ Ավետիսյանը Տավուշի մարզի ընդհանուր իրավասության առաջին ատյանի դատարանի հայցադիմում է ներկայացրել՝ ընդդեմ Տավուշի մարզի Նոյեմբերյան համայնքի Հաղթանակ գյուղում գործող «Դեբեդ ավտոտեխսպասարկում» ՍՊԸ-ի՝ գումար բռնագանձելու, պայմանագիրը լուծելու եւ պայմանագրի առարկա հանդիսացող անշարժ գույքը Հայաստանի Հանրապետությանը վերադարձնելու պահանջներով: Մայիսի 2-ին Իջեան քաղաքում Տավուշի մարզի առաջին ատյանի դատարանի նախագահ Սարգիս Արմենակյանը որոշել է Նշված քաղաքացիական գործով նախնական դատական նիստ Նշանակել հունիսի 13-ին Տավուշի մարզի առաջին ատյանի դատարանի Իջեան քաղաքի նստավայրում: Դատարանը մերժել է քաղաքացիական գործով հայցվորի ներկայացրած միջնորդությունը՝ պատասխանողին պատկանող գույքի վրա հայցազնի չափով արգելանք դնելու վերաբերյալ: ՈՍԿԱՆ ՍԱՐԳՅԱՆ Տավուշ

ԶԳՈՒՇԱՑՈՒՄ

ՎԱՐԺԱԿԱՆ ՀՆՎԱՔՆԵՐԻՑ ԽՈՒՄԱՓԵԼՈՒ ԴԵՊՔԵՐ

ՀՀ Բնչական կոմիտեի ՉԲԳ վարչությունում կատարված ուսումնասիրությամբ դարգվել է, որ մի քանի անգին, հազվադեպ լինելով ՀՀ ՁՈՒ դահեսագործում, խուսափում են մասնակցել ՀՀ կառավարության որոշումներով 2022 թվականից դարբերաբար հայտարարվող ռազմական ունակությունների կատարվող ընդհանուր մասնագիտական վերադաստիարակման եւ դաստիարակման ուղղված վարժական հավաքներից:



Մասնավորապես, ՀՀ ՊՆ զորակոչային եւ զորահավաքային համալրման ծառայությունից (ԶՀԾ) ստացված հաղորդումների առթիվ նախաձեռնված քրեական վարույթներով իրականացվող քննությամբ պարզվում է, որ պահեստագործում ընդգրկված անձինք, ստանալով համապատասխան հրավեր, ներկայանում են ՀՀ ՊՆ Ձ եւ ԶՀԾ՝ իրենց կցագրման տարածքային ստորաբաժանումներ, որտեղ պատշաճ կերպով ծանուցվում են հայտարարված վարժական հավաքներում ընդգրկված լինելու մասին, սակայն հրաժարվում են ստանալ դրանց մասնակցելու եւ վարժական հավաքի վայր մեկնելու ծանուցագրերը, ինչի մասին կազմվում են արձանագրություններ:

Որոշ դեպքերում անձինք ստանում են ծանուցագրերը, սակայն սահմանված օրը եւ ժամին, ՀՀ օրենսդրությամբ սահմանված կարգով ծառայությունից ազատվելու հիմքերի բացակայության պայմաններում, չեն ներկայանում ՀՀ ՊՆ Ձ եւ ԶՀԾ տարածքային ստորաբաժանումներ՝ այդպիսի խուսափելով վարժական հավաքներից:

Բացի այդ, շրջանառվում է նաեւ վարժական հավաքներից խուսափելու առերես հանցանքի կատարման նոր եղանակ, համաձայն որի՝ վարժական հավաքների ներգրավման ենթակա քաղաքացիները ձեռնարկում են որպես վարժու աշխատակիցներ եւ ձեռնարկվում այնպիսի ընկերություններում կամ հիմնարկ՝ ձեռնարկություններում, որոնց աշխատակիցներն օրենքի ուժով ունեն ամրագրում, այսինքն, աշխատանքի բնույթով պայմանավորված, ենթակա չեն վարժական հավաքների ներգրավման: Ուսումնասիրության համաձայն՝ վարժական հավաքների անցկացման սկզբից ի վեր՝ 2022-2023 թվականների ընթացքում, ՀՀ ՔԿ ԶԶԳԿ կայազորային քննչական բաժիններում ստացվել է վարժական հավաքներից խուսափելու առերես դեպքերի առթիվ ընդհանուր 160 հաղորդում, որոնցով նախաձեռնվել են քրեական վարույթներ:

Նշված վարույթներով քրեական հետապնդում է հարուցվել ընդհանուր 45 անձի նկատմամբ: 24 անձի վերաբերյալ քրեական վարույթներ՝ մեղադրական եզրակացությամբ, ուղարկվել են հսկող դատախազին: Նշված քրեական վարույթներով մեղադրական եզրակացությունները հաստատվել են, եւ գործերն ուղարկվել են դատարան:

Քրեական վարույթների մի մասով դեռեւս նախաքննությունը շարունակվում է: ՀՀ քննչական կոմիտեն հատկապես պահեստագործում հաշվառված անձանց տեղեկացնում է, որ ՀՀ քրեական օրենսգրքի 462-րդ հոդվածի համաձայն՝ օրենսդրությամբ սահմանված հիմքերի բացակայության դեպքում վարժական հավաքներից խուսափելը հանցագործություն է, որը պատժվում է ընդհուպ մինչեւ 2 տարի ժամկետով ազատազրկմամբ:

Հարկ է ընդգծել, որ վարժական հավաքների ենթակա անձանց վերոնշյալ բնույթի ընկերություններում կամ հիմնարկներում ձեռնարկություններում կամ հիմնարկ՝ ձեռնարկություններում, որոնց աշխատակիցներն օրենքի ուժով ունեն ամրագրում, այսինքն, աշխատանքի բնույթով պայմանավորված, ենթակա չեն վարժական հավաքների ներգրավման: Ուսումնասիրության համաձայն՝ վարժական հավաքների անցկացման սկզբից ի վեր՝ 2022-2023 թվականների ընթացքում, ՀՀ ՔԿ ԶԶԳԿ կայազորային քննչական բաժիններում ստացվել է վարժական հավաքներից խուսափելու առերես դեպքերի առթիվ ընդհանուր 160 հաղորդում, որոնցով նախաձեռնվել են քրեական վարույթներ:

Նշված վարույթներով քրեական հետապնդում է հարուցվել ընդհանուր 45 անձի նկատմամբ: 24 անձի վերաբերյալ քրեական վարույթներ՝ մեղադրական եզրակացությամբ, ուղարկվել են հսկող դատախազին: Նշված քրեական վարույթներով մեղադրական եզրակացությունները հաստատվել են, եւ գործերն ուղարկվել են դատարան:

Քրեական վարույթների մի մասով դեռեւս նախաքննությունը շարունակվում է: ՀՀ քննչական կոմիտեն հատկապես պահեստագործում հաշվառված անձանց տեղեկացնում է, որ ՀՀ քրեական օրենսգրքի 462-րդ հոդվածի համաձայն՝ օրենսդրությամբ սահմանված հիմքերի բացակայության դեպքում վարժական հավաքներից խուսափելը հանցագործություն է, որը պատժվում է ընդհուպ մինչեւ 2 տարի ժամկետով ազատազրկմամբ:

Հարկ է ընդգծել, որ վարժական հավաքների ենթակա անձանց վերոնշյալ բնույթի ընկերություններում կամ հիմնարկներում ձեռնարկություններում կամ հիմնարկ՝ ձեռնարկություններում, որոնց աշխատակիցներն օրենքի ուժով ունեն ամրագրում, այսինքն, աշխատանքի բնույթով պայմանավորված, ենթակա չեն վարժական հավաքների ներգրավման:

ՔՆՆԱՐԿՈՒՄ

ՄԻՋԱԶԳԱՅԻՆ ՄԱՐԴԱՄԻՐԱԿԱՆ ԻՐԱՎՈՒՆՔԻ ԽԱՄՏՈՒՄ

Մարդու իրավունքների դաժնամիտ Անահիտ Մանասյանը մայիսի 25-ին ընդունել է Հայաստանի Հանրապետությունում Նիդերլանդների Թագավորության արտակարգ եւ լիազոր դեսպան Նիկոլաս Մյսերմեյսի:

Պաշտպանը հյուրին ներկայացրել է սահմանամերձ բնակավայրերի բնակիչների իրավունքների պաշտպանությանը, Լաչինի միջանցքի շրջափակման հետեւանքով առաջացած խնդիրներին, գտնվելու վայրն անհայտ զինծառայողներին վերաբերելի հարցեր: Նա հատուկ անդրադարձել է ադրբեջանական զինված ուժերի կողմից ՀՀ սահմանամերձ բնակավայրում մայիսի 17-ին շտապօգուության ավտոմեքենայի եւ բուժանձնակազմի թիրախավորմանը՝ ընդգծելով, որ դա միջազգային մարդասիրական իրավունքի նորմերի ակնհայտ խախտում է:

Պաշտպանը դեսպանին ծանոթացրել է նաեւ կառույցի գործունեության առաջնահերթություններին, որոնց թվում են երեխաների, կանանց եւ հաշմանդամություն ունեցող անձանց իրավունքների պաշտպանությունը, խտրականության բացառումը:

Պաշտպանը հյուրին ներկայացրել է սահմանամերձ բնակավայրերի բնակիչների իրավունքների պաշտպանությանը, Լաչինի միջանցքի շրջափակման հետեւանքով առաջացած խնդիրներին, գտնվելու վայրն անհայտ զինծառայողներին վերաբերելի հարցեր: Նա հատուկ անդրադարձել է ադրբեջանական զինված ուժերի կողմից ՀՀ սահմանամերձ բնակավայրում մայիսի 17-ին շտապօգուության ավտոմեքենայի եւ բուժանձնակազմի թիրախավորմանը՝ ընդգծելով, որ դա միջազգային մարդասիրական իրավունքի նորմերի ակնհայտ խախտում է:

Իր հերթին դեսպանը, շնորհավորելով Անահիտ Մանասյանին Մարդու իրավունքների պաշտպան ընտրվելու առթիվ, ընդգծել է, որ շատ է կարեւորում դեսպանության եւ Մարդու իրավունքների պաշտպանի հաստատության միջեւ արդյունավետ փոխգործակցությունը: Հանդիպման շրջանակում կողմերը սերտ շփումները շարունակելու պայմանավորվածություն են ձեռք բերել:

Պաշտպանը հյուրին ներկայացրել է սահմանամերձ բնակավայրերի բնակիչների իրավունքների պաշտպանությանը, Լաչինի միջանցքի շրջափակման հետեւանքով առաջացած խնդիրներին, գտնվելու վայրն անհայտ զինծառայողներին վերաբերելի հարցեր: Նա հատուկ անդրադարձել է ադրբեջանական զինված ուժերի կողմից ՀՀ սահմանամերձ բնակավայրում մայիսի 17-ին շտապօգուության ավտոմեքենայի եւ բուժանձնակազմի թիրախավորմանը՝ ընդգծելով, որ դա միջազգային մարդասիրական իրավունքի նորմերի ակնհայտ խախտում է:

● Անցած 1 օրվա ընթացքում հանրապետությունում արձանագրվել է 14 ճՏՊ. 14 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

30 ՏԱՐԿԱ ՈՒՂԻ

ՀԱՅԱՍՏԱՆԻ «ԿԱԴԱՍՏՐԻ ՎԿԱՅԱԿԱՆ»-Ը

1990թ. օգոստոսի 23-ին խորհրդային Հայաստանի Գերագույն խորհուրդը ընդունեց 12 կետերից կազմված Հայաստանի անկախության իրավական գործընթացին: Հայկական խորհրդային Սոցիալիստական Հանրապետությունը վերանվանվեց Հայաստանի Հանրապետություն, իսկ գործող 12-րդ գումարման Գերագույն խորհուրդը համարվեց Հայաստանի Հանրապետության առաջին գումարման Գերագույն խորհուրդ:

Հայաստանի անկախության մասին հռչակագիրը Հայաստանի Հանրապետության հիմնադիր փաստաթուղթն է եւ Հայաստանի Սահմանադրության հետ միասին նրա հիմնարար երկու փաստաթղթերից մեկը: Փաստաթուղթը Գերագույն խորհրդի նիստում ընթերցել է պատգամավոր Արամ Մանուկյանը, իսկ Ամենայն Հայոց Կաթողիկոս Վազգեն Առաջինն օրհնել է քաղաքացիների որոշումը:

Հռչակագրից մեկ տարի անց՝ 1991 թվականի սեպտեմբերի 21-ին, Հայաստանում անցկացվեց հանրաքվե. Հայաստանի ժողովուրդը ձայների ճնշող մեծամասնությամբ քվեարկեց ԽՍՀՄ-ի կազմից դուրս գալուն եւ իր քվեով «Այո» ասաց անկախ պետություն ստեղծելուն: Սեպտեմբերի 23-ին ՀՀ Գերագույն խորհուրդը, ամփոփելով հանրաքվեի արդյունքները, Հայաստանի Հանրապետությունը հռչակեց անկախ պետություն: Հանրաքվեի արդյունքները խորհրդարանի բարձր ամբիոնից հրատարակեց Բաբելեն Արարքյանը:

Հայաստանի Հանրապետությունն արդեն 1992թ. -ին պաշտոնապես դիմում է Միավորված ազգերի կազմակերպության Անվտանգության խորհրդին ՄԱԿ-ին իր անդամակցության դիմումը հաստատելու համար:

1992 թ. հունվարի 29-ին՝ նիստի ժամանակ, Անվտանգության խորհուրդը քննարկում է Միավորված ազգերի կազմակերպության նոր անդամների ընդունման հանձնաժողովի զեկույցը՝ Հայաստանի Հանրապետության դիմումի վերաբերյալ:

1992 թ. մարտի 2-ին Հայաստանը դարձավ ՄԱԿ-ի լիիրավ անդամ:

Այսօր Հայաստանը 100-ից ավելի պետությունների կողմից ճանաչված ու ՄԱԿ-ի լիիրավ անդամ է:

Չնայած սրան՝ ՀՀ վարչապետ Նիկոլ Փաշինյանը վերջերս ԱԺ ամբիոնից արած հայտարարությամբ կասկածի տակ դրեց Հայաստանի՝ որպես իրավական պետություն գոյության փաստը՝ հայտարարելով, թե մենք 30 տարի է՝ ապրում ենք մի երկրում, որը «կադաստրի վկայական» չունի՝ նկատի ունենալով այն, որ Ադրբեջանը չի ճանաչում ՀՀ տարածքային ամբողջականությունը:

Թերեւս հարց է առաջանում ինչո՞ւ 100-ից ավելի պետությունների կողմից ճանաչված ու ՄԱԿ-ի լիիրավ անդամ Հայաստանը պետք է «կադաստրի վկայական» ստանա հենց Ադրբեջանից:

ՔՐԻՍՏԻՆԱ ՄՈՒՇԵՂՅԱՆ

ՄԻՋՈՑԱՌՈՒՄՆԵՐ

ՋՐԱՅԻՆ ՌԵՍՈՒՐՄՆԵՐԻ ԲԱՐԵԼԱՎՈՒՄ

Ջրային կոմիտեի նախագահ Վահագն Գեորգյանն ընդունել է Ասիական զարգացման բանկի հայաստանյան գրասենյակի սնօրեն Պաոլո Մղանիզյանի գլխավորած դասվահարկությանը:

Ջրային կոմիտեից հայտնում են, որ հանդիպմանը մասնակցել են նաեւ Ջրային կոմիտեի նախագահի տեղակալներ Կարեն Դադբաշյանը, Մարտիրոս Նալբանդյանը, արտաքին կապերի բաժնի պետ Տիգրանուհի Բաղդասարյանը, ինչպես նաեւ ՀՀ-ում ԱԶԲ առաքելության տնտեսագիտության մասով ավագ պատասխանատու Գրիգոր Գյուրջյանը, ծրագրերի ավագ պատասխանատու Վարդան Կարապետյանը եւ գործառնությունների մասով օգնական Լիանա Առաքելյանը:

Ողջունելով հյուրերին՝ Վահագն Գեորգյանը նշել է, որ Ասիական զարգացման բանկը մշտապես եղել է մտում է Ջրային կոմիտեի կարելուրագույն գործընկերներից մեկը:

Նախագահ Վահագն Գեորգյանը ներկայացրել է փոքր եւ միջին ջրամբարաշինության ուղղությամբ իրականացված միջոցառումները: Իր խոսքում նախագահը նշել է, որ ակտիվ աշխատանքներ են ընթանում 15 ջրամբարի նախագծման ուղղությամբ, ինչպես նաեւ ներկայացրել է Կապսի, Վեդու ջրամբարների եւ ոռոգման համակարգի վերակառուցման ծրագրերի ընթացքը: Անդրադարձ է կատարվել նաեւ միջազգային համագործակցությամբ իրականացվող նախագծերին:

Կոմիտեի նախագահի խոսքով՝ նոր ջրամբարների կառուցումը թույլ կտա կուտակել լրացուցիչ ջրային ռեսուրսներ, բարձրացնել կառավարման արդյունավետությունը, բարելավել ոռոգելի հողատարածքների ջրամատակարարումը, հասնել էներգիայի խնայողության մեխանիկական ոռոգումն ինքնահոսով փոխարինելու արդյունքում:

Շնորհակալություն հայտնելով ընդունելության համար՝ Պաոլո Սպանտիգատին նշել է, որ Ասիական զարգացման բանկը պատրաստ է ցուցաբերել օժանդակություն Ջրային կոմիտեի կողմից իրականացվող ծրագրերին, ինչպես նաեւ ընդլայնելու հետագա երկկողմ համագործակցության շրջանակները:



դակություն Ջրային կոմիտեի կողմից իրականացվող ծրագրերին, ինչպես նաեւ ընդլայնելու հետագա երկկողմ համագործակցության շրջանակները: Քննարկմանը հաջորդել է մտքերի փոխանակությունը՝ ջրային ռեսուրսների կառավարման համակարգերի բարելավման, ռազմավարական մոտեցումների հստակեցման, ըստ վերոնշյալ ուղղությունների իրականացվող ծրագրերի շրջանակներում հետագա համագործակցության շուրջ:

Հանդիպման ընթացքում քննարկվել են երկուստեք հետաքրքրություն ներկայացնող այլ հարցեր եւս: Նախագահն ընդգծել է, որ Ջրային կոմիտեն հավատարիմ է մնալու իր հանձնառությանը եւ ամեն ինչ անելու է առկա եւ նոր ծրագրերը կյանքի կոչելու, Ասիական զարգացման բանկի հետ համագործակցությունն ավելի ընդլայնելու, ամրապնդելու եւ զարգացնելու գործում:

Team Telecom Armenia

25 ԳԲ/Վ ԱՐԱԳՈՒԹՅԱՆ NGN ՑԱՆՑԻ ԱՐԴԵՆ ՀԱՄԱՆԵԼԻ Է

Team Telecom Armenia-ի գերհզոր NGN ցանցին արդեն հասանելիություն ունի հանրառեւության ավելի քան 150 հազար սնային սնեւություն:

Առաջնահերթություն տալով համայնքների զարգացմանը՝ ընկերությունը վերջին ամիսներին մեծ ծավալի աշխատանքներ է տարել մարզերում, մասնավորապես՝ Սյունիքի, Գեղարքունիքի ու Կոտայքի:

«Մեզ համար կարեւոր է մարզերում նման ենթակառուցվածքների կառուցումը, որը երկարաժամկետ հեռանկարում բերելու է տեղի տնտեսական ակտիվությանը եւ, հետեւաբար, բնակչության ուժեղացմանը: Վերջին շրջանում մեր թիմն աշխատել է հատկապես Սյունիքի մարզում՝ NGN ցանցով ծածկելով տնտեսությունների 50 տոկոսից ավելին»,- նշեց

Team Telecom Armenia-ի տնօրեն Հայկ Եսայանը:

Մարզային աշխատանքներին զուգահեռ ընկերությունը մեկնարկել է ցանցի կառուցումը նաեւ Երեւանի Կենտրոն համայնքում, որը նման արագության ինտերնետի ամենամեծ պահանջ ունեցող վարչական շրջանն է:

Հիշեցնենք, որ 25 Գբ/վ արագությամբ այս ցանցն ամբողջությամբ կամ մասամբ հասանելի է Հրազդան, Նոր Հաճըն, Արմավիր, Մեծամոր, Ալավերդի, Սպիտակ, Իջեւան, Կապան, Քաջարան, Վարդենիս, Սիսիան եւ Զերմուկ քաղաքներում, Հաղարծին ու Գնդեվազ գյուղերում, իսկ Երեւանում՝ Դավթաշեն, Արաբկիր, Նոր Նորք, Ավան եւ Զեյթուն համայնքներում:

NGN ցանցի հիման վրա ստեղծված Cos2o սակագնային փաթեթները ներառում են մինչեւ 1000 Մբ/վ գերարագ ինտերնետ, IP հեռուստատեսություն եւ բջ-

ջային կապ: Փաթեթի վերաբերյալ տեղեկություն ստանալու եւ սակագներին ծանոթանալու համար կարող եք անցնել գրել հաղորդագրություն ընկերության ֆեյսբուքյան պաշտոնական էջին, գանգահարել 100 անվճար համարին կամ մտնել վաճառքի եւ սպասարկման կենտրոններ:

Team Telecom Armenia-ն ՀՀ տարածքում տրամադրում է ինտերնետի, թվային հեռուստատեսության, բջջային եւ ֆիքսված հեռախոսակապի ծառայություններ: 2021 թվականից ընկերությունը սկսել է տարածաշրջանում եզակի՝ 25 Գբ/վ արագությամբ 25G-PON տեխնոլոգիայով NGN (Next Generation Network) ցանցի կառուցումը: Առաջիկայում այս ցանցին կմիացվեն Հայաստանի ողջ տարածքում գործող բջջային կայանները, ինչի շնորհիվ զգալիորեն կբարելավվի նաեւ շարժական կապի որակը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՎԵՐՋԻՆ ԶԱՆԳ

ՔԱՆԻ՝ ՇՐՋԱՆԱՎԱՐՑ ՈՒՆԵՆՔ ԱՅՍ ՏԱՐԻ

Երեկ Հայաստանի դորոցներում հնչեց ուսումնական տարվա ավարտի ազդարարող «Վերջին զանգ»-ը:

Վերջին դասը կլինի մայիսի 26-ին, եթե աշխատում են հնգօրյա գրաֆիկով, իսկ 6-օրյա գրաֆիկի դեպքում՝ մայիսի 27-ին: Հիմնական դպրոցը՝ 9-րդ դասարանը, կավարտի շուրջ 35.300 սովորող, 12-րդ դասարանը՝ 19.900 շրջանավարտ: Հանրապետությունում հանրակրթական դպրոցների շրջանավարտների համար «Վերջին զանգ»-ի միջոցառումներ կանցկացվեն, սակայն ՀՀ կրթության, գիտության, մշակույթի և սպորտի նախարարությունը հորդորում է պահպանել համավարակով պայմանավորված անվտանգության բոլոր կանոնները:



2023 թվականին ուսումնական տարվա ավարտական դասարանցիներին շնորհավորական ուղերձով է հանդես եկել նաև ԿԳՄՍ նախարար Ժաննա Անդրեասյանը. «Շնորհավորում եմ բոլորիդ այս կարեւոր և ուղենշային օրվա կապակցությամբ: Գիտեմ, որ շատ հարցեր ունեք. դրանց մի մասի պատասխանները վստահաբար գտել եք դպրոցի և ձեր ուսուցիչների շնորհիվ: Հարցերի մեծ փնջի համար էլ այս պահին պատասխան չունեք, և ձեր կյանքի հաջորդ փուլերում փորձելու եք գտնել այդ պատասխանները՝ սխալվելով ու հաջողելով, հիասթափվելով և ոգեւորվելով, կասկածելով ու վստահելով: Կարելի է, որ այդ հետաքրքիր ու բազմաշերտ ճանապարհին պահեք հիմնական առանցքն ու արժեքները: Որ ասպարեզում էլ ձեր քանքը դնեք, եղեք հաստատակամ ու փորձեք անել լավագույնը, եղեք հոգատար հանրության առջեւ, պատասխանատու և պահանջատեր պետության առջեւ, սովորեք սիրել ու ներել, ինքներդ ձեզ համար ձեռնարկել և պահել ձեր սկզբունքներն անորոշ ու բարդ իրավիճակներում, մտածել ձեր որոշումների և արարքների հետևանքների ու ազդեցության մասին»:

Նշենք, որ օրվա առթիվ ՀՀ ոստիկանությունը հայտարարություն է տարածել,

ԴԵՐԱՍԱՆՈՒՅԻ

ԱՄՈՒՄՆԱՅԱԾ ՏՂԱՄԱՐԴՈՒ ԸՆՏ ԸՆՆԻՊԵԼՈՒ ՄԱՍԻՆ

Համազգային բասրոնի դերասանուհի Ժաննա Վելիցյանը, որը հեռուստադիտողին առավել հայտնի դարձավ «Էլենի օրագիրը» հեռուստասերիալից և «Ճիշտ այդպես» նախագծից, «Ինսագրամ»-ի «Սթորի» բաժնում հարց ու պատասխան է կազմակերպել իր հետևորդների հետ և պատասխանել նրանց հարցերին:



զբաղվել: Եվ, ահա, դուստրը հայտնում է, որ ուզում է դառնալ դերասանուհի: Շատ ուրախացավ եւ, իհարկե, օգնեց: ԼԻՂԱ ԵՐԻՒՋԱՐՅԱՆ

Հետևորդներից մեկը դերասանուհուն հարցրել է. «Իսկ չե՞ս ամաչում ամուսնացած տղամարդու հետ հանդիպելուց»: Ի պատասխան Ժաննան ասել է. «Այ սա նորություն էր. եթե դժվար չէ, կասե՛ք՝ հատկապես որ ամուսնացած տղամարդու հետ եմ հանդիպում»:

Նշենք, որ Ժաննա Վելիցյանը Տաշիր քաղաքից է տեղափոխվել Երեւան: Ավելի վաղ ArmLur.am-ի հետ զրույցում ասել էր. «Հայրս սատար կանգնեց, ասաց, որ միշտ երազել է, որ զավակներից մեկը շարունակի արվեստի որբեւ ճյուղով

● Մայիսի 27-ին Սոս Սարգսյանի անվան Համազգային թատրոնում տեղի կունենա «44 աստիճանի վրա» ներկայացումը: Տոմսերի արժեքը՝ 2000-3000 դրամ: Սկիզբը՝ ժամը 19:00-ին:

ԼՈՒՐԵՐ

ՆՎԱՃԵԼ ԵՆ 11 ՄԵԳԱԼ



Բելառուսի Գրողն քաղաքում անցկացված ազատ ոճի ըմբռանարտի մրցաշարին (սվիդլած Դ.Ս. Կարբիշեին) մասնակցել են նաև հայ երիտասարդ ըմբռնները:

Ոսկե մեդալակիրներ են դարձել 57 կգ Սարգիս Բեգոյանը, 61 կգ Նորիկ Հարությունյանը, 65 կգ Հայկ Աբրահամյանը և 97 կգ Խաչատուր Խաչատրյանը:

Արծաթե մեդալներ են սկսել 57 կգ Հայկո Գասպարյանը և 70 կգ Դավիթ Մարգարյանը:

Բրոնզե մեդալներ են սկսել 57 կգ Նարեկ Յակոբյանը, 65 կգ Աշոտ Չափուխյանը, 70 կգ Անուշավան Բարսեղյանը և Արտյոմ Իսախանյանը և 79 կգ Արեն Իսրայելյանը:

Հայաստանի երիտասարդական թիմը պատրաստվում է հունիսի 26-ից հուլիսի 2-ն անցկացվելիք Եվրոպայի առաջնությանը:

ՈՍԿԵՐՉԱԿԱՆ ԳԵԲՅՈՒՏ

Marli New York-ն իր հավաքածուն առաջին անգամ ներկայացրել է Կաննի կինոփառատոնում՝ ի պատիվ The Art of Elysium-ի 25-ամյակի:

Հյուրերի թվում էին Ջուլիա Ֆոքսը, Քլեր Զոլթը, Լիլի Գլադստոնը, Անոկ Յայը, Ալթոն Մեյսոնը, Չեյս Քրոուֆորդը, Ջերեմի Հարիսը և շատ ուրիշներ: Հյուրերը փորձել են հայտնի ոսկերչական մոդելներ՝ Tip-Top-ից մինչև Cleo: Նկատվել են նաև նմուշներ՝ Empire նոր հավաքածուից:

Մարալ Արթիսյանը Marli New York ոսկերչական ապրանքանիշի հիմնադիրն է: Բավականին կարճ ժամանակում նրան հաջողվեց անուն ստեղծել և հետք թողնել ոսկերչական բիզնեսում: Նրա նուրբ զարդերը կրել են այնպիսի աստղեր, ինչպիսին է Շարլիզ Թերոնը: Թեյլոր Հիլը նկարահանվել է ապրանքանիշի գովազդային արձավում: Հայտնի մարդկանց ցուցակն անվերջ է:

Կաննում դեբյուտից մի քանի օր առաջ Արթիսյանը ներկայացրել է Marli New York-ի նոր հավաքածուն, որը կոչվում է Empire: Հրավիրված հյուրերի թվում էր նաև մոդել, հայազգի ինֆլուենսեր Մարգարիտա Սախաջյանը:

Սահակյանի խոսքով՝ զարդերը շքեղ են: «Ես շատ ուրախ եմ, որ գիտակցում եմ նման ապրանքանիշի հետևում կանգնած են հայերը», - ասել է ինֆլուենսերը:



Էջը՝ ՌՈՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Ո՞րն է աշխատանքային դայմանագրի կնքման կարգը:

Ելենա Ավետիսյան (24 տարեկան)



ՊԱՏԱՍԽԱՆ. Գրավոր աշխատանքային պայմանագիրը կնքվում է երկու օրինակից՝ կողմերի, իսկ մինչև տասնչորս տարեկան աշխատողների հետ կնքվող աշխատանքային պայմանագրերի դեպքում՝ ծնողներից մեկի կամ որդեգրողի կամ խնամակալի ստորագրությամբ մեկ փաստաթուղթ կազմելու միջոցով, որի մեկ օրինակը գործատուն հանձնում է աշխատողին, իսկ մինչև տասնչորս տարեկան անձի մասնակցությամբ աշխատանքային հարաբերությունների ծագման դեպքում՝ ծնողներից մեկին կամ որդեգրողին կամ խնամակալին:

Աշխատանքային պայմանագիրը կարող է կնքվել նաեւ կողմերի էլեկտրոնային ստորագրությամբ: Էլեկտրոնային ստորագրությամբ կնքված աշխատանքային պայմանագրի մեկ օրինակը էլեկտրոնային եղանակով փոխանցվում է աշխատողին, իսկ մինչև տասնչորս տարեկան անձի մասնակցությամբ աշխատանքային հարաբերությունների ծագման դեպքում՝ ծնողներից մեկին կամ որդեգրողին կամ խնամակալին:

Աշխատանքի անցնելուց առաջ գործատուն կամ նրա լիազորած անձը պարտավոր է աշխատանքի ընդունվող անձին պատշաճ ծանոթացնել աշխատանքի պայմաններին, կոլեկտիվ պայմանագրին (դրա առկայության դեպքում), ներքին կարգապահական կանոններին, աշխատավայրում նրա աշխատանքը կանոնակարգող գործատուի այլ իրավական ակտերին:

«ԺՈՂՎՈՒՐԳ». Աշխատողը պարտավոր է աշխատանքային պայմանագրում նշված օրն անցնել աշխատանքի: Աշխատանքային պայմանագրում նշված օրն անհարգելի պատճառով աշխատանքի չներկայանալը հիմք է աշխատանքային պայմանագրի լուծման համար:

ՕՂԱՆԱԿԱԿԱՅԱՆ

ՀԱՐՑ. Վերգեսնյա ի՞նչ փոխադրամիջոցից կարող եմ օգտվել «Չվարթնոց» միջազգային օդանավակայանի ժամանեքուն դեմ:

Հարություն Հովհաննիսյան (27 տարեկան)



ՊԱՏԱՍԽԱՆ. Օդանավակայանի ժամանման սրահից դուրս գալուն պես օդանավակայանի շենքի հարակից տարածքից կարող եք օգտվել ավտոբուսային երթուղուց:

Ավտոբուսային երթուղին առավոտյան ժամը 7:00-ից մինչև 22:00-ն գործում է 30 րոպե միջակայքով:

«ԺՈՂՎՈՒՐԳ». Ուղեվարձը 300 դրամ է՝ մեկ անձի համար: Այն անհրաժեշտ է վճարել կանխիկ ՀՀ դրամով:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարն արվել է Երեւանում



«Ժողովուրդ» օրաթերթի ֆոտոխցիկը Արաբկիր վարչական շրջանում ֆիքսել է ճանապարհի քանդված հատվածում կանգնած մեքենա: Պարզ չէ՝ պատահաբար է մեքենան հայտնվել այդտեղ, թե դիտավորությամբ են կայանել այդ հատվածը ջքանդելու համար:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+7 + 11 +16 + 20	☀	Արարատ	+13 + 15 +25 + 27
☀	Կոտայքի լեռներ	+6 + 9 +17 + 20	☀	Արմավիր	+11 + 13 +25 + 27
☀	Կոտայքի նախալեռներ	+11 + 14 +21 + 23	☀	Վայոց ձորի լեռներ	+6 + 8 +16 + 18
☀	Գեղարքունիք	+6 + 11 +17 + 20	☀	Վայոց ձորի նախալեռներ	+12 + 14 +24 + 26
☀	Լոռի	+8 + 11 +19 + 23	☀	Սյունիքի հովիտներ	+13 + 17 +27 + 30
☀	Տավուշ	+10 + 15 +22 + 25	☀	Սյունիքի նախալեռներ	+6 + 11 +21 + 23
☀	Արագածոտնի լեռներ	+6 + 9 +15 + 18	☀	Արցախ	+15 + 19 +24 + 28
☀	Արագածոտնի նախալեռներ	+13 + 14 +21 + 25	☀	Երեւան	+11 + 13 +24 + 26

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 26.5.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեքենաներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: